

TBA THUPHON

## Christmas Special issue

### Gallery



Pastor Lhouusat Service  
Retirement Program.

Lhangnophai B/C  
Decade Anniversary

Andro Mission Field  
Newly Accepted Baptism



TBAWS Girl's Hostel under



Tara NT Bible releasing Program



K. Phopi B/C Affiliation &  
Pastor SK. Thangkho Ordination



Exposure Tour Bangalore Tour 28 nov.  
2017




TCF Church Bangalore Advent  
Christmas Celebration 28<sup>th</sup> Nov. 2017

TBA THUPHON  
All right reserve

Design & Layout at TBA-I OFFICE, MOTBUNG

THUPHON

Quarterly  
Newsletter of  
TBA-I  
VOL. VII/03  
OCT - DEC 2017



### EDITORIAL BOARD

Editor-in-Chief

Rev. V. Sillhou

Associate Editor

Pastor SM. Haopu

Circulation Manager

Rev. L. Kipgen

### CONTRIBUTORS:

1. Pastor Kaigoulun Lhouvum

2. Pastor Paominlen Kipgen

3. Mr. Kaikhothang Singsit

4. Mr. Paogoulen Sillhou

5. Mrs. Nengnou Simte.

## UP-COMING EVENTS

### DECEMBER:

- 15. Church Council Budget Session
- 16. TBAWS Foundation Day cum Missionary Day.
- 20. Office Closing Day.
- 25. Christmas Day.
- 27-30. TBA-I Centre Churches Audit
- 30. BYF Offering Day for Missionary

### JANUARY:

- 1. New Year Day
- 9. Office Re-Opening Day
- 26. Republic Day
- 28. BYF Offering Day For Missionary
- 31 TBA-I Last Audit

### FEBRUARY:

- 1-3. TBAYF 46<sup>th</sup> Annual Assembly at Centre Office
- 5. Mission Board Last Meeting
- 9-11. TBA General Assembly, Haipi.

## UP-COMING EVENTS

## Gallery

MOLHOI WOMEN & YOUTH GOLDEN JUBILEE

On 27<sup>th</sup> Nov. 2017



Guest of Honor Shri. Thanglensei receiving Thanks



Functional President: Rev. K. Sithhou receiving thanks Gift



Molhoi Baptist Women & Youth Golden Jubilee Monolith



Molhoi Women Society presenting Welcome song



Speaker Pastor Paominlen Kipgen receiving Thanks Gift



Molhoi Youth Fellowship Presenting Theme Song



Chief Guest Shri. Nemcha Kipgen Social & Welfare Minister. With Dedicating Minister. Rev. V. Sithhou, Exe-Secy. TBA-I

## KIPA THUPHON

Christa jalla kangailut TBA Mission Board chule muntinna Houbung mite ho, Moulthang mite hon kum phabep masanga patna kanataonao Pathenin ei lolhinsah-un Missionary khat (Dilip Balduon) kasoldoh thei taovin Pa Pathen thangvah na kapei. Pakai kum 2016 March lha a patnin tuni kahsunga hin Pu. Dilip Balduon Pathenin amangchan lhagao mangthai mi 21 alalut tan kipana seijoulou kahin phongin ahi.

Hichena chungchonin alahlut ho jouse jong alahlutna Lim (photo) Baptism abolna Lim phone No. chule atamjo jong lamkaihon kagavillun agenthei ahahsat hojong kithopina kapejiuvin ahi. Pathenin mapui jing henlang tohga tampi sojing tahan.

Sd/-  
ThangtinlunLhouvum  
H/Deacon Moulthang B/C

### Evang. Dillip Report

By the grace of God 21 persons had newly accepted Jesus Christ, their names and details are given below:

1. Santosh Ghatany	acception on	26/03/2016 (M)	29 Senapati
2. Ganga lakandri	acception on	26/03/2016 (F)	27 senapati
3. Dinesh Dhamal	acception on	04/06/2016 (M)	23 Makhan
4. Lalleiba Singh	acception on	04/07/2016 (M)	20 konung mamang
5. Raj Jamang Singh	acception on	03/08/2016 (M)	20 14 <sup>th</sup> miles irang
6. Kumari lamgade	acception on	29/07/2016 (F)	37 yaikongpao
7. Regina	acception on	08/08/2016 (F)	13 yaikongpao
8. Maila tikhatri	acception on	20/09/2016 (M)	50 yaikengpao
9. Sharili Baraily	acception on	03/01/2017 (F)	26 Mount jaiyon
10. Tika tikhatri	acception on	30/03/2017 (F)	21 kalapahar
11. Thoma motey	acception on	30/03/2017 (M)	25 kalapahar
12. Ram Maya Dhamala	acception on	19/04/2017 (F)	55 kalapahar
13. Divesh Dhamala	acception on	19/04/2017 (M)	23 kalapahar
14. Kumar Dhamala	acception on	19/04/2017 (M)	21 kalapahar
15. Tika tikhatri	acception on	19/04/2017 (F)	21 kalapahar
16. Sidarth Shahu	acception on	18/08/2017 (M)	18 kangpokpi joribau
17. Sanjana Baral	acception on	28/09/2017 (F)	17 lairau
18. Roshni Rai	acception on	28/09/2017 (F)	17 lairau
19. Kumar limbu	acception on	28/09/2017 (M)	29 lairau
20. Man Maya Rathod	acception on	28/09/2017 (F)	62 lairau
21. Diya chhetri	acception on	28/09/2017 (F)	16 lairau

Submitted by : Missionary Dilip Bardeva kalapahar. I request you all to pray for me and my family in your personal prayer. God be with you all. Thank you .

## CONTENTS

### Up-Coming Events

- Editorial message* (page 1)  
*Christmas Greeting message* (Page 2)

### Christmas message:

- a) *Isaiah Themgao in Jesu aminput sah ho* (page 3-4)
- b) *Bethlehem Ahsi* (page 5-8)
- c) *Jesu Christa mihema ahung pen lona.* (page 8-10)
- d) *Pakai sohnu kahi, kachunga nasei bang hihen.* (page 11-13)
- e) *Immauel* (page 14-15)
- f) *Christmas adinga athupipen ipi ham ?* (page 16-17)
- g) *Jesu pen alamdan nale akidang ahina* (page 17-18)
- h) *A gal langkhatna kaiju hite.* (page 19-21)
- i) *Thadou Christiane dinga chouna ho / ...issue masah banjom* (page 22-23)

### News & events (page 24-25)

#### Kipa thuphon:

- a) *S. Buning B/C* (page 26)
- b) *Moulthang B/C & Evan. Dillip Report* (page 27)

#### photo gallery:

- a) *Molhoi Women & Youth Golden Jubilee* (page 28)
- b) *TBA Related* (page 29)

## Editorial Message



Rev. V. Sithou  
Executive Secy.,  
TBA - I

Amasan Houbung mite jouse le TBA Thuphon sim jouse kum 2017  
Christmas salam le kum 2018 kumthah chibai kahinpei.

Kum 2017 sungah boinale chouna tami um jengjong leh Pathen ban  
thahat jallin Association'in Amana itohnao chunga lo lhingga le jona eipeuvin  
Amin theng loupi choi'athin umhen!

Kum 2017 sunga ding ithupiu, "Lhagao hinkho huhdoh dingin kiha  
bolcheh ute" toh kisaija na i-toh doh'u phabep khatchu ahile: Thadou paova  
Audio Bible, App. Bible chule King James Authorized version in Thadou Holy  
Bible natoh jong akichaithei tan ahi. Chubanin jong Trao tribe ho dinga  
Thulhun Thah (N.T.) jong itahdoh peh'un thenso najong akinei tan ahi. Thadou  
mipin Pathen thuhing ipaou'va ikisimthei juva, chule ngaithoa jong ingaithei  
taovin simtho'njong isimthei taovin ahi.

Chule Tarao tribe hohi lhomcha ahiuvin, mihing sangkhat sanga lhom  
ahiuvin, Bible akitadiuhu hahsatah ahi. Ahin Pathen panpi najallin tuhin  
apao'ua ThulhunThah lhagao huhhingna dingin akisimthei taove.

Houbung mipite ihapan jalluva hiche huhhingna natoh hohi itohdoh theiju  
ahi. Tumabanna jong Pakai lenggama dinga pan ihalah cheh diuvin kahin  
temuve.

Kum 2017 Christmas le kum 2018 kumthah damsel cheh'a imanuva  
lhagao halna ineithei cheh nadiuvin Pakai minin tilkhouna le temna kahin  
nejuve.

TBA Thuphon simjouse Pathen'in phatthei bohcheh taken.



Pakaja Nalhachao,

Rev. Vumthang Sithou  
Executive Secretary TBA-I

## Kipa thuphon na S. Buning B/C




Fig. S.Buning B/C Construction progress

Amasan phatpha eimusah uva Hatchung nung Pathen thangvah in umhen.  
Chule TBA-I Houbung mite jouse salam kahin bol uve.

Pakai kum 2016 nisim li (4) jingkah a in **ling** (Earthquake ) nasatah kihot  
thilsoh jeh a keiho (S.Buning) Houbung mite Pathen Houkhom na Hou-inn aset tahjeh  
chun, athah sah phat kit nadinga TBA-I General Assembly 2016 kangpokpi C/C munna  
panpi ngaichat jeh a kahung taonao neisan peh jal'un **Calendar 2017** kana bol'un ahi.  
Molmotah a hung kibol doh hijongleh TBA-I Houbung jousen khoto na neitah a najo  
kham cheh uva neihin pan hu jeh un, tun Foundation jong kachajun, Song sizing kibol  
1500 lang jong kacho doh taovin ahi. Pathen na toh na a keiho chunga khoto na neitah a  
nahung kipeh nao hohi alen lheh jengin **kakipah uve**. Hijeh chun tohkhompi Houbung  
jouse a Lamkai ho, chule Houbung mite ho jouse chunga kipa thu kahin phong uve.

Pathen in phatthei naboh cheh taohen.

Sd/-  
Paokhogin  
H/Deacon  
**S.Buning B/C TBA-I**

Sd/-  
seiminthang  
Secretary,  
**S.Buning B/C Building  
construction Commtee**

## 5. LHANGNOMPHAI BAPTIST CHURCH DECADE ANNIVERSARY

Lhangnomphai houbung miten Pathen ahin houkhomnao, Houbung ahung kiphu doh kal Kumsom(Ten) ahung Ihin nao Decade Anniversay Kingon chu lomtah in 21<sup>st</sup> November 2017 nikho hin Rev. Th. Kipgen Former Exe. Secretary Thempu hina le Pu. Paojagin President TBA-I Chief Guest, Guest of Honour, Pu. Tongmang V/ President Chule Functional President Rev. K. Hangsing amaho cheng pan nan akimang tan ahi.

Hiche nikho hin Kin kiman hetjingna dinga kibol Souvenir chu Rev. K.Hangsing in thenso na aneijin ahi.Hiche tolhonin houbung in kin na hunglha mipi chunga akipa nao jallin Ankong sokhom pi na jong abol uvin ahi.

Tu tua Head deacon hi Pu. Lalboi Kipgen, Haosa Pu.Lunkhomang Kipgen ahi.

## 6. MOLHOI BAPTIST CHURCH WOMEN & BYF GOLDEN JUBILEE

Molhoi kho ahung uma, Houbung ahung kitundoh chule Women Society le Baptist Youth Fellowship in Pathen kin ahin bolnao akiphudoh kal u Kum 50 ahung lhinnao GOLDEN JUBILEE kingon chu 27<sup>th</sup> November 2017 nikho hin Melchihna song (Monument) chu Honourable Minister Pi. Nemcha kipgen in ahondoh tolhonin, Rev. V. Sitlhou Exe. Secretary TBA-I in lhando na aneijin, kingon chu mipin...

...Pathen thangvah pumin anakimang tan ahi. Tutu a Molhoi Houbung Head deacon hi Pu. Paolenlal Lhouvum, Women Chairperson Pi. Lhaitineng Sitlhou, BYF Chairman Henlal Lhouvum @ Robert chule Haosa Pu. Lalpao Lhouvum ahi.

## TBA-I STAFFS EXPOSURE TOUR BANGALURU Via KOLKATA

From : 25<sup>th</sup> NOV - 04<sup>th</sup> DEC 2017 Thadou Christain Fellowship Church (TCF-C) Bangaluru houbung mite toh ADVENT CHRISTMAS Cum YOUTH FOUNDATION DAY mangkhom dingin TBA-I Staff ho lah a mi 9 (Nine) hochu 25<sup>th</sup> Nov nihin Imphal, Bir Tikendrajit International Airport dalhan anakipatdoh uvin, 28<sup>th</sup> Nov Tuesday nikho hin TCF Bangaluru muna houbung mite toh kipah tah in Pathen thu a nilhum keijin akimangchao khom uvin ahi.

Bangaluru Khopi sunga thil thupi tah a kisem ho avet lhhah naban uvin, 29<sup>th</sup> Nov nihin Mysore City khopi a ST. Philomenas Cathedral le Tipu Sultan King palace munle adang dang agaveuvin ahi. Chule 2<sup>nd</sup> - 3<sup>rd</sup> Dec. nikho ni sungin Kolkata khopi sunga Queen Victoria Museum Saint Paul's Cathedral Church, Mother Teresa Charity Home ho vilna anejuvin, Pathen ni hin Serampore University vilna le khopi sunga Baptist houbung ho a dinga Church umsun William Carey Baptist Church 31BB Ganguly Street a advent Christmas program a aga jao un ahi.

4<sup>th</sup> Dec. ni hin Kolkata apat in hui konga ahung kile uvin damselchan Manipur ahung le lhun taovin ahi.

## KIPA THUTHOT

Vannoi mihemte huhhing dinga leiset mihem lim le melpua hung pieng huhhingpu Jesu Christa hung pienna ding Christmas nikho loupi ahunglhung ding to-lhonin,kumlhunga phattheina le damna hinkhuo a eihin puilhungpao hatchungnung Pakai pathen chu thangvah in umhenlang, chuleh kangailut Thadou Baptist Association houbung mithiengte jouse kangailutna chibai kahinpeuve,

Kangailut sopite Jesu Christa pienna nikho hi tahsa lam kipa suh chamkimna dinga kiguotnale liemna hilouvin, Zachariah in Christa amunom niale alungthim sungil a Pakai asanna Christa alhunsah bangin tunin sopi nangleh keijin jong ei-huhhingpu Jesu Christa lhuntheina dingin elungsungu ki-suhthiengu hiutin ahunglhung ding Pakai kum 2017 christmas leh kum 2018 kumthah Pathen vangbuoh echantheina dingun lung thiengsel le taona pum'a liemcheh din anakigou hite.

Sd/-  
Pu. SL. Paojagin  
President, TBA-I



Pu. SL. Paojagin  
President, TBA-I



---- Pastor

**THUPATNA**

Christmas thupi (message) akisei teng thuseni hon akida lha thei lou, Jesu Christa mihem ma ahungpen, chule Pathen tohgon umsa suhbulhit a aum nadinga Isaiah themgao henga Jesu Christa ahungpen ding kum 700 masanga Pathen in ana phondoh sah Isaiah 9:6 "Ijeh inem itile eiho dingin naosen khat apengin, Chapa khat eiki peove; Aleng kouva vaipoh na apun, chule amin jong thumop them kidang tah, thunei tah Pathen. Tonsot mipa, chamna leng chapa akiti. Hiche thugol hi "CHRISTMAS" igaldot jing laiju ahitolhonin Isaiah themgao in Jesu Christa aminputah hohi agom pena noijs point kipe ho ahin veohite

**1. THUMOP THEM KIDANGTAH AHINA :**

Isaiah themgao kama Pathen in anaphondoh sah thu hi Jesu Christa chunga abonchan aguilhungsoh kejin ahi. Themgao, tempu ijtana umhen, Chule thuhil them ijtumjong le Jesu Christa hin hiche hojouse sanga chung nun na. chule athuhil hin lamdan nale jatchom beh ahina ho akimun ahi. Isaiah themgao vin Thumop them kidang tah (Wonderful Councillor) ahina anaphon doh masah ho hi Jesu chunga hiche kisei ho (Identity) hochu leiset na Kum 3 Ministry abolsunga lamchom chom ma, munchom chom ho a pat midang ho thuhil mai mai toh akibah lou na tamtah umjongle phabep khat veohite

- a) Molchunga athuhil ho. Mathew 5, 6 & 7 sungho akimun ahi
- b) Nungah som thulem aseina Mathew 25:1-13
- c) chapa vahmangpa Luke 15:11-32

SM. Haopu, Secy., Mission &amp; Evan Dept. TBA-I

- d) Lengpilei thulem aseina Mark 12:-1-12
- e) Muchi thepa thulem Mathew 13:1-9
- f) Moupui golvah John 2:1-12
- g) Vanoi kichai ding le thilsoh dingho Mathew 24: 1-31 le adang dang hiche ho hin Jesu Christa thumop them kidang tah ahiding kisei hohin ana phon masat ahitai

**2. THANEI PEN PATHEN AHINA :**

Jesu Christa hi lengho leng, pakai ho Pakai chule thanei leh hatchung nung Pathen ahina hi athilsem jousen aphongdoh e.

Van hole leiset le asunga thil umjouse chule twikhang len le asunga ahingthei umjouse hin Jesu christa hi thanei pen (Almighty God) Pathen ahina aphondoh sah ahitai.

Hiche athanei nahi tunia vanoi akhutnoija koija thunei tah le loupi tah a vahom Government hat tah hon asuhlhu jou hoi hita lou Vannoi kichai jou nunga mihem jouse chunga thutan le vahom ahiding hi thanei le hatchung nung Pathen ahina chu ahi.

**3. TONSOT PATHEN AHINA:** Old testament khangapat tonsotna ana umjingsa Pathen(Eternal God) ahi aphot chetna mun tampi a aphong doh in ahi. Hiche Pathen tonsotna na umjing ahi het chen nachu Exodus 3:14 hitin asejin ahi. " Keima chu Keima kahi " ati. Chule John 1:1 Atil a chu thu um ma ahin chule thu chu Pathen toh umma ahi. Thu chu Pathen ahi ati. Mihem in ahet phah masang peh thu tonsot Pathen ahina hi Old Testament khanga pat themgao hon tonsot masang peh'a ana umjingsa, nimasalai lhamasa lai peh'a ana um jingsa ahina chu aphongdoh un ahi. ....

**1. PASTOR LHOUSAT KIPGEN SERVICE RETIREMENT**

Molvom Houbung hung kitundoh a pat Pakai lhacha na gunchu le kitah tah a tuchana a hintong jing Pastor Lhousat Kipgen chu, aman atohna mun Molvom Baptist Church in houbung kiphatsah na dungui jin 25<sup>th</sup> September 2017 nikho hin anatoh na apat kicholdo (Service retirement) ana petao vin ahi. Pastor Lhousat Kipgen hi tutu'a TBA-I Mission & Evangelism Department a Board Member ahi.

**2. TARAO NEWTESTAMENT BIBLE THENSO HITA**

Bible Society of India (BSI) in phalna apeh utoh lhonna, Tarao Baptist Churches Association in amaho paova Pathen thu Bible aneidoh thei nadinguva, kum phabeppi ina kithopi nabani uva, Kangpokpi Centre Church TBA in Printing cost a lutding sum le pai abona apohdoh peh uva chule akita doh tolhonin, Tarao New Testament Bible chu nisim 24<sup>th</sup> Septmber 2017 Sunday nikho hin LEISHOKCHING Baptist Church, Palel munna Rev. V. Sitolou Executive Secretary in thenso na aneitan ahi. Tarao nam miten apao uva asimthei diu Pathen thuhing Bible tadoh nadinga angaicha sum le pai hintoh doh a Association min na thil lentah hintong doh Kangpokpi Centre Church Pastor Rev. K. Hangsing le houbung mite jouse chunga kipa thu akiphongin ahi.

**3. K. PHOIPHI HOUBUNG IN TBA-I HINJOP**

Thadou Baptist Association toh athahbeh a Pathen lengam na tong khomding le kiloi khom dingin, K. Phoipi Baptist Church houbung chu Association

a lahlutna kin 22<sup>nd</sup> October 2017 nihin Rev. V. Sitolou in anei tan ahi.

K.Phoipi houbung in TBA-I ahinjopuva akilah lut to lhonin, SK. Thangkhopao hi houbung Pastor dingin Ordination Chairman Rev. Th. Kipgen makai nan Ordained akibol tan ahi. K.Phoipi B/C Statistic updated: Inson 53, Total Member 353, Pastor, SK.Thangkhopao@ SK.Thangkho, Haosa Pu. Lunminthang Lhouvum ahi.

K.Phoipi hi Motbung khosah (Near Motbung) Kangpokpi district sunga um ahi.

**3. APPLICATION BIBLE IN THADOU**

2016 apat Association in iboipiu Audio Bible in Thadou chu phatah ihin boldoh taovin ahi, hiche Audio Bible hi North East adinga Thadou tehi aneidoh masalo'i a ihung pan uhi ahi tai.

Vanoi akhantou jinga mihem in jong Pathen thu a machal ahinnei jing toh lhonin, tunai cha chun ingaichat ingu Application Bible (App Bible) chu athah in ama hapan jallin ineidoh kit tao vin ahi. Hiche AppBible hi Memory Card a hung ahin aman Rs.399/- only man bou ahi. kichoh cheh uhitin chule Pathen thu hi ngachech uhite, adeh in Smart Phone choijousen thonlou vin kichoh uhite. Hoilai mun hijongle Pathen thu ngainom jingho dingin Solar device jong a um in, chule Labu & Bible jong adeijousen Office amujing thei ahi..... next page

...Christian hi atamjo danin aumkittai. Hiche hi Thadou houbung hon gelkhoh-a Thadou ten Jesu Christa hi kichehtah leh lungthim gilla tahnasa dingana lentah toh angaiye.

**7.2.** Houbung kibungkhen le kitolou jong Thadou houbung dinga chouna lentah khat ahi. Tuhin Thadou Christian ho hin phung le chang lammolla houbung jong ikiloikhom taovin khat le kiginmona(suspicion) ilah-uva aumtan ahi. Pathen khat, Pakai khat, Baptaz chan khat Lhagao khat chule houbung khat ahihi photchet angaiye. Chule houbung chom(denomination) chom chom hijong leuen mission natohna-a kipun khom(cooperation) nei angaiye. Hiche kipunkhomnahi, local, regional, national, chule international levela nei angaiye.

**7.3** 21<sup>st</sup> Century hi global age tin jong akihei. Tumasanga vannozi hi global village tia anakihe chu tuhin global city tin akihe kittai. Ajeh chu mihem hi khopi lama achenglut cheh cheh tan ahi. Hiche hi Thadoute dingin jong atah mong ahitai. Tuhin khopi len lenho-a natong ham ahiloule sorkar natong ham jeh in Thadou mi tamta aumtan ahi. Hijeh chun khopi lenho tichu, Delhi, Bombay, Kolkata, Bangalore, Guwahti, chule Yangon, London, Australia le US khopi lenho-a jong houbung phudoh angaikittan ahi. Hiche hi Thadou houbung dinga chouna lentah khat ahikitnin ahi.

**7.4.** Tahsa lqmdollin jong chouna lentah inei jinguve. Tuhin Indigenous Thadou hi Pammi(outsider) hon eikounao mina khel doh ding tia lung ngaito loijong aume. Thadou jonghi suhbojin aumjing. Hijeh chun hichehi tahsa lam goh hilouvin houlam dolla jong gelkhoh-a pan nasatah lah angaye...

...7.5. Literature hi namkhat dinga thupipen khat ahin hijeh chun Thadou Christian Literature Society hi International levela jong nei angaiye.

**7.6.** Tu global age a hin vannoi mallama(Global south) houbung nasatah in amachallin ahin missionary hinsol Solam gamma houbung anem suh suh tan ahi. Hijeh chun masanga Africa, Asia, Latin America ho mission field danna anakingaito chu tunvang vannoi pumpi hi mission field ahitai. Hijeh chun vannoi lhumlam gam hoa jong mission na toh-a missionary sol angaikittai. Thadou houbung hon jong hiche hi chouna lentah khatna kilah angaiye.

**7.7.** Thadou namhi Pathen vahchoi nam, missionary sol nam, chonpha nam, chamna bol nam, khang che toh toh-a Pathen natong nam ahi ding jong hi chouna lentah khat ahi.

#### **Thuchaina:**

Achaina-in Thadoute hi Israel te Pathen nam lhenchom ahibangin vannozi solam gamkaiya Pathenin asemdoch nam le aholdoh nam khat ahi kitile seival hiponte. Manipur sung jenga jong Christianity hi Thadou tea konna machal ahi. Manipur mallam gamkaiya Centenary kibol jonghi ivetle Thadou kho, Senvon khoa kon ahi. Baptist houbung lah-a jong Thadoute missionary sol ahiuvin Centenary jong akimangtan ahi. Hijeh chun Pathen leng gam natohna-ah Thadouten chan lentah ineijuhi avellin geldoh kitnuhin, kithah semkittoh lhonin Pakaina tongjingu hite.

...Hiche tonsot na umjing Pathen chun van le lei kijop na tansa ( Pathen le mihem kah) jopmat kit dingin mihem lim pu a chonset na thidingsa eiho lhatdoh na dingin Bethlehem khopi a naosen a hung peng ahi.

#### **4. CHAMNA LENG CHAPA AHINA :**

Jesu Christa hungpen phat lai a Vannoi ana vaihom Rome lengam sunga hin kibung khena, kidat khen na jatchom chom ana um in hiche ho chun mihem ho kah a chamna (Peace) ana umsa theipon ahi

#### **Ajeh hochu:**

##### **a) Hou le beh a kikhena:**

Hou le beh a kikheta ana ume. Jews tahan le dimun hi ahou uvin (amaho sakho, Judaism) in aphal danthupeh phatah a juija ngailu ahiuve. Mosi dan thupeh phatah a jui bukim dinghi akihil nao khoh pentah chu ahi. Mosi Dan thupeh (Pantatuech) juibu kim jeh'a sohcha dinga kigo ahiuve. Hito bang dinmun laitah hin mihem ho lungthima hou va jalen/ chamlhat hi angaichat pen u chu ahi.

##### **b) Kivai homna :**

Rom lengam sunga hin kivai homna lama Jat le nam a kikheta, hao le vai jeh'a kikheta pasal le numei kah a kikheta hojeh in chamna ana umthei poi.

#### **c) Sum le pai dimun :**

Hao le vai jeh a kikheta na lentah ana ume. Avaicha ho suhnem le gotchep'in ana um muve. Hijeh hin vaicha genthei hon mun ana mujou pouve. Hito banga hao le vai jeh a kivet nem le kithet to na chule kivaihomna lama kithet na, dinmun san le nem jeh a kikhen nahin mihem ho lungsunga chamna ana umsa theipon ahi.

Hiche hi achesa kum 2000 masang thu ahitan hinla tunin Igamsungu, ichennao kivai homdan le mihem ho ilungput uhin Jesu christan mun anei tahlou jeh in vannoi a hin chamna aumtapon ahi. Ipijeh ham ? Luke 2 : 14 isim le hitin aseije Chungnung pena Pathen loupi hen, chule leichunga alunghaina miho lah a chamna lenghen ati. Hiche hin avetsah hi Jesu lunglhai na mi ho lah a bou chamna umding ahin, alunghai na michu nahilouleh na insung, naji nacha kah chule loi le gol kah a chamna umlou behding ahi. Hijeh chun ahungpeng dinga Jesu Christa hi eiho dinga vangle phat thei ichan nadingu vin alunghaina mite ihidio angajin ahi.

## THUCHAINA

2017 Christmas mu man talouva hinkho molem ma mitam tah lah'a , tunia nangma mukit le mangkit theija na um hi Pathen in lamchom beh a nahou pi na nom um hinte ti tahsan aume. Hijeh chun Chamna Lengpa Jesu Christa hungpen thei nadingin lungthim kot hong pumin CHRISTMAS galdot uhitin, Christa lemcheh ding kigong uhit.

**Thuphon simjouse Pathen in phat thei naboh cheh taoen.**

---- *Kaithang Singsit, Principal NTS***Thumakai:**

Jesu Christa pen chun vannoil thilsoh tampi ana umin ahi. Hiche thilsoh gimnei tah tah ho lah-a miching mithem tampin tuni chana hetdoh tei dinga agotnu ahija kicheh chetna hiche mong mong ahi ti koiman aphotchen thei lou chu; Jesu leiset mihem'a ahung pen'a Ahsia kidang tah solam'a kon miching hon ahinjuijuva Jesu pen'a muntah-a akingah chu ahi. Hiche thudol hi kum tampi Vanthamjol'a thil umho het themna nei tampi lungthim asukha lheh jengin, abang khat chun hiche Ahsia chu vah hat tah lamlengle chule Ahsia kidangtah ahi tin jatchom chomin asei jingun ahi. Hiche leisetna miching hon jong akholdoh joulou hiche van laijolla ahsia hin eihoh tahan chate dinga ipi kipana le kinepna eipeh uva chule malama lhagao hinkho imachalbe thei diuham tihia Jesu pen kumset a iman jingu phat ahung lhun kit ding toh lhonin phabep khat veo hitin, amasan "Bethlehem Ahsia" ti iseidiu ahijeh in, Pathen thilsem loupije le athuh dan veo hite.

**Pathen Thilsem kidang:** Pathen khutsem Vanlajol hi van thenset jan le ivetle Ahsia simsenlou pahliah jeng vetnom nom umtah akimu jin ahi. Hiche thilsem kidang tah ho hi David Lengpan jong anavetna kidang asah jeh chun Psalms 8:3 a hitin anasejin ahi; "Keiman nakhut junga nasemsa, na Van munho kavetle-a, nangman nasuhdetsaho lha leh ahsia ho kavetji teng...., mihemhi ipi hija hibanga nagelkhoh ham," tin hiche Vanthamjol'a thilsem kidang hohi kidang anasah lheh jengna banna asempa Pathen loupina anapen ahi. Genesis 1:14 ivetle Pathenin "Sun chu jana kona chomkhen dingin van'a vanlajola vah ho umhen," anatin asei bang bangin vanlajolla sun le vah dingin Nisa asemin Jana dingin Lhathah Ahsia, Valpa chule adang dang tampi anasemin ahi.

Hiche Pathen thilsem kidang tumpi hoa kona hi masanglai miho chun thilsoh ding hetna ananeijiu ahi. Hitia hetna ananeijiu toh lhona chu Masanglai peh-a pat Israelten anagaldot jingu Messiah/Christa pen chu Solam michinghon/Ahsia Lekhathem hon Bethlehem khopi geija achihnao le ahetnao mangcha a hunguva naosen Jesu chu ahungmu ahitan ahi. Tunin hiche Ahsia chung changthu hi mitam pin Vannoil chihnan ahollun hinla hiche mong monghi ahi tin jong photchena apethei deh pouvin hijongle noija hin geldan phabep akipen gahvekhomu hite.

**Ahsia chungthua geldan:** Pa Pathen tohgon ahitoh lhona Jesu Christa leiset naosen'a ahungpen jan chun Van thamjolla muthei tah in Ahsia hoa konin thilsoh kidangtah le datmo.....

---- *Rev. V. Sitlhou, Exe-Secy., TBA-I*

Indo-Burma Thadou Pioneer Mission chun Ukhruh gamkai geiyin halna ahin polutnun ahi. Elungkibe in "History of the Manipur Baptist Convention" 2005, p.39, na-ah "The revival movement entered through the Southern part of the state from Mizoram in 1922. First it moved through... Indo-Burma Thadou Pioneer Mission and reached the Tangkhul area in the spring 1923" tin ajih in ahi.

Thadou haosalen hon Khristian hou nasatah-a anadou vangun British(mikangte) gala alel tahjeh-un tahsa lam dolla amahosanga chungnungjo ahi ti ahedoh-uh goh hilouvin houlamdollaa jong mikangte houhi chungnung jo ahi tia angaito jeh un Khristian hou hi amahosanga chungnungjo hou danin angaitouvin ahadoudal tapouvin ahi. Hijeh chun Thadouho lah-a Khrista kipana thupha hi nasah tah in amachalbe in houbung chu khojouse-a phudoh in aumtan ahi. Tunichan geiyin Houbung amachal jingin denomination jat chom chom jong Thadou ho lah-a ahung um be cheh in ahi.

**5.2-3. Denomination dang dang:** Baptist denomination le NEIG mission tailouvin denomination dang dang tichu: Seventh Day Aventist, Catholic, Revival church, church of Nazrene, Believer church, Methodist church etc. jong ahunglutnin Thadou ho lah-a houbung tunichan geiyin amachal jinge.

**6. Impact Of Christianity among the Thadoos:** Tuhi Thadou kho jouse-a

houbung akiphut dohtan chule 100% Christian ahitan ahi. Christian ahiuva patnin Thadou hohi inchan khosah lama jong nasatahin akhangtouvin, thenna lama jong akhang tou lhehtan ahi. Masanga thilha anahoulai yuva ain chensangun hatah-in khantouna aneitaove. Themjilna lama jong Sah Solam India gamsunga jong asangpen loikhat ahitaove kitile seival hiponte. Office jouse-a Government natong jong tamta aumtaovin ahi, Pakai Jesu hi thahat chungnungpen, Pakai jouse Pakai ahi tia atah san phat nun thilhaho kichatna le kithoinaho jong aboltapouvin kithoina-a sumle sel, gancha asuhmanguva inchan suboina jong aumtapoi. Vannoil kiloikhom naho le kijopmatna (relationship) lama jong khantouna lentah aneitaove. Hitichun aleiset ngaidan(world view) jong akikhel tan ahi.

**7. Thadou Houbungho dinga chounaho:** Thadou Christian ho dingin tukhanghin chouna(challenges) tamta imasanguva aumin hiche hohi iti sutoh-a kipana thupha toh kitoh -a donbut dingham tihia khoh lheh jengin ahi.

**7.1. Christian ahunghiua lhagao huhhingna akimujeng vangun mitamtah in Christianity hi society chonna danna ngaito-a Pathen hetna tah tah neilou mi apung cheh in Nominal .....**

**Thumna'a**, Jesu lungmong tah'a a'imut chu sejuite dinga kitil khou nathei tah ahi. Aman Pathen atahsan ahin, ahinsolpa, akin amolso pehpa Pathen chun akhohsah'in (care) achunga thilse alhunsah louding ahi chu atahsan ahi. Pathen lung lama i'umuva Pathen eiho lama apan leh iham igin dingu! (Rom. 8:31). Koima le imachan eisuhboi lou dingu ahi. Ajeh chu aman ikhankho dingu agelnai (1 Pet. 5:7). Ichunguva huise gose alanteng lunglinglao poute. Jesu bangin lungmongin umu hite. Ajeh chu aman alungsetho chu anom imutsah jin ahi (Ps. 127:2).

**4. Umthimin, thipbehchan umin (v.39).** Sejuite chu atija behseh'un Jesu chu asukhangun, "Rabbi, kathigam dinguhi na ima lou louham?" atiuvin ahi. Thil thum ve kit leuen:

**Khatna'a**, Sejuiho chuacheuvin Jesu chu agasu khangun ahi. Amaho hatna'a ima cha ahithei tapoi. Jesu asuh khah masanguva chu abolthei chanu abol dingu tahsan umtah ahi. Hinlah ima akanna aumpoi. Lungkham le beidonga aum laitah'u chun Jesu hengaacheuve. Ilungkham, iboi, ihahsat, ivangset... teng hoilang ijot jiuvam? Koi ibel jiuvem? Mihem dang kom ijot jiuvem? Lungdam na ding, lungmon na ding le suhmlna dinga Ju le sa, khamna theiho ibelluvem? Sejuihon achunguva hahsatna alhun chun Jesu abellun ahi.

**Nina'a**, Sejuiten Jesu henga 'Na ima lou louham?' atiuve. Na ima lou louham tihin nei care louvu, nei khohsah louvu, nei lungset louvu hitam tina ahi. Ichunguva boina/hahsatna alhun teng Pathen'in eidalhah hitante, eikhohsah lou hitante...

tin lungphatmona, lunglhahna le ama douna hinkho man nan tampin aneijiuvin ahi. Pathen'in eidalhah'u, ei khohsah louvu ahiloule Pathen chu a'ima loulou ahipoi. Eikhohsah mama'u ahi.

**Thumna'a**, Jesun huipi chu aphoh'in, dillen jah'a "Umthim'in, thipbehchan umin" atile hui chu ahaijin athip helta. Pathen loupi hen. Jesun anungjiho chu akhohsah'in, alungset mama'in ahengaacheuve alungkhamna jouseu agaselhah'u chun Jesun chubang huise gose kitho chu aphoh'in atile atanghel tan ahi. Eiho hi Jesu nungui maimai ihipouve. Pathen'in acha'a eisimu ahitai (1 Jn. 3:1). Boina, hahsatna itotengu jongle Pathen'in eidalhah louvu ahi. Alungsetna a'imatih channa dai ngailou ahi. Ahenga icheuva iboinao achunga igaselhah dingu adei ahi (Matt. 11:28; cf. 1 Pet. 5:7). Ahenga ikiselut teng Jesu iboinao jouse chu "umthim'in, thipbehchan umin" atiding, chuteng imakho'u lamjanga, Agal langkhat ikai dingu ahi.

**Pathen'in nabon chaovin "nachunguva hunghung ding huise gose jouse lah'a napui galkaiju henlang Agal langkhat napui lhung taohen."**

....umtahanasoh in ahi. Hichea thilsoh hi gimnei tah ahitah jeh in chunga kisei bangin akhangche dunguija michingho lunglai jong asuna lheh jengin ahi. Hichea Ahsikidangtah hi hethemna neihon noija bangin lunggel chom chom aneijun ahi. German astronomer Johannes Kepler chun 7 B.C kum chun planets Jupiter leh Saturn hi Kinai chan ana umlonin vah hat tah anasodoh lhonin hichehi Bethlehem ahschu hinte tin ginmona ana neijin ahi. Alangkhatna Roger Sinnott chun 3-2 B.C sunga Jupiter le Venues vah hat tah chu hidingin ginmona ana neijin ahi. Chunga kisei ahsikhatle ahsikhat kinaicha ahung um koma vah hat tah hungdoh hinte tia ginmona nei mi phabep aumna banin hiche jan'a ahschu "Comet" hinte tia gingmo jong aum kitnin ahi. Comet kiti hi Ahsivah hat tah ahitoh lhona avah chun kidang tah-a gamla tah tah akhojia chule achenalam chana chu agui vah tah chun ajuilejia chutengle mun khatna kingaji ahitoh lhona Christa pen'a Bethlehem khopi chunga chuhiche Ahsivah hat tah chu kinga ahi akitiuvin ahi. Hiche goh hilouvin ginmo chom dang khat chun hiche Bethlehem Ahschu; Ahsithitasa kum jakhat jouva pohkehji chule apohkeh teng vah hat tah kilangdohji jong chu hidingin ginmona aumin ahi. Scientist hon geldan chom chom neijongleu hiche Ahsihikidangtah-a Pathenin amaloupina dinga amanchah ahi leiset mihem chihnan kholdohjouponte ti itahsan utoh lhonin solam miching/ahsi lekhathem kiti ho chu itobang mi hiuham ti noija hin ve kitnu hite. **Ahsikidangtah**

Thadou Bible in "Ahsikidangtah" atih English Bible version atamjon "wisemen" atiuvin Greek Bible chun magoi atin hichu; Michingho ahiloule Lengho tina a jong kihe ahi. Mtt. 2:1 na chun "solam'a kon michingho" neitah mi ahiuvin (wisemen from the East) atitoh lhonin...

..Chihna neitah mi ahiuvin achihna chu tulaja Astronomers (Ahsikidangtah thu hetna nei) itihou tobang ahiuvin hijeh ahi "Ahsikidangtah" tia ihetu ahi. Amahohi hoilai gam'a pat ahiu agam min, mi ijat ahiu chule amin'u jong Bible in aseipon, hinla lekhabu lui phabep chun solam michingho mi thum ahiuvin, asamule akhamul'sao tah tah ahi, amin'u jong; Baldasar, Gasper chule Melchior ahi atiuvin ahi. Chule agam umdol hi Bible in kicheh tah-in sei hih jongle hetgilna neihochun hichea solam kitihi Persia gam ahin tulaja Iran tia ihetuhi ahitai. Iran hi gam phatah ahina bana middle East gamho lah-a dinga agamlet dan jong ni chana ahi, chule Vannoileiset Gamlen ho lah-a aletdan 17<sup>th</sup> chana ahi jong akitin ahi. Persia tehi nam lui tah ahina banun chihna, thepna, haosatna chule adang danga ningluing tah anahiuvin ahi. Hichan geija boltheina tampi ananei jeh uva Christa pen jan'a 'Ahsikidangtah' kidangtah hungsoph doh jong chu ahinmu uva Bethlehem changeija ahinjiju ahi. Mi abang khat chun solam michingho hi Doile Ai them ahi tiloi jong aumin ahi. Ahinla ama ho hi gam khangtou tah-a kona hungkon chihna jatchom chom Ahsikidangtah lampanga thepna nei tulaja Astronomers itihou tobang hi anahiuvin tahsan lelna ding ima aumpon ahi. Thusim dang danga konin Ahsikidangtah lekhathem ahi hiti mong ahiuve tin aphotchenna phabep kipe jeng jongle Pathenin ahaikhum I-Bible'un vang solam'a kon miching ahiuve ti kalval aseipon, phatah-a ivetle Pathenin vannoileiset huhdoh dinga a van laltouna a kona ahinsol lhah achapa Jesu pen jan'a hichilai phatna vannoilei miching pen ho amanchah-a aloupina aphondoh ahi ti tahsana kisan kalvalla Pathen loupisah nading aumpon ahi. Ahsikidangtah ...

lekhathemho chungthu geldan chom chom umho iseina banun noija hinacheuva Bethlehem chana Ahsiajuijuva naosen Jesu agamu' u Mathew'a kimu vekitnu hite.

### **Ahsia lekhathem hon Jesu amu'u (Matt.2:1-12)**

Vannoi huhhingpu Messiah hi Bethlehem khopia hungpen ding ahi tihimasanga Pathenin athemgao Micah henga anaphondoh ahitai. Micah 5:2 "Bethlehem Ephrathah, nangma Judah gam sang tamtah lah-a neocha hijongle chun, nangma-a kona kami Israelte chunga vaipo ding khat hungsoh doh ding; ahung kipatna chu masanglaipeh, tonsotna pat ahitai." Bethlehem khopi neocha tulaijin Muslim hon toupha jongleu, Christianten jong Christmas nikho le thanom tah-in vannoi gamtina konin mitampin Jesu pen aga kipapi jiuvin ahi. Hiche khopi Israelte khanglaja hetkham behset jong hilou muna hi itidana Christa hung peng ham tihigel khamset hijongle, Old Testament phatlajin sutmilmo anahin ahi. Bethlehem khopi hi "David Khopi," "Jesse in," (David pa) Ruth atehpi Naomi henga ahungkile namun chule milui phabep Rachel,

[David, Ezekiel, Asaph, Job, Jesse](#)

[Solomon](#) le adang dang, kivuina mun ahi jong akitin ahi. Hiche Israelte dingamun thupi tah Bethlehem khopia Messiah peng ding ahi tihialhangpia mitinin anahet ahijeng vang chun Ahsilekhathemho chun Solam'a konin Bethlehem Ahsia chu ahinjuijun jangpetna Bethlehem jon louvin Jerusalem ajon masaovin ahi. Bethlehem le Jerusalem kikah hi Miles nga (5) val (Kilometers koh (9) vel ahi. Jerusalem hi mun thupi tah milen milahumna mun ahijeh jong hintin hichea chun Solam...

michingho chun; "Judate lengpa apengin apena mun chu hoilamham? Keihon niso lamah ahsikamuvin, chibai bola hung kahiuve, atiuvin ahi." Chutia solam michingho hetna neipuma ahung phatnun Herod chuchelaija lengpa chun Messiah hungpen ding dan chu aphoton chetnin, chuin michingho chun Judate lengpa peng chu ahinkhol toh uva ama henglama athu umdol ahung hetsah kitdiuvin asoldoh tan ahi. Herod'in thupeh apeh jouvun amaho chu Jerusalem'a pat Bethlehem chan amasanguva che Ahsia chu poncho tah-in ajui kitnun ahile Jesu penna Bethlehem khopi dontah chu aphah un Ahsia chu akingan, hichun amaho naosen penna in na chun alutnun ahile naosen chu anu Mariam toh aum agamuvin hichun athao anomin hachangpan akipah-un "aboh khupmun ama chu ahou/achibai taovin ahi; chuin athil lubom cheh-u asolhaovin, kipamanin, Sana, Bego, Myrrh ama chu apetaovin ahi." Naosen Jesu suhmangna dinga Herod'in togoanei vang Jesu chunga asubulhit jou tapon ahi.

### **Thu Khumkhana leh Chouna:**

Sopiteho, Leiset chihna leh thepnan hiche "Bethlehem Ahsia" chungthu hi jatchom chomin seijongleu, hiche Ahsia hi Pa Pathenin hichana chu amanchah-a kidang tah-a hiche janna chu ahinso doh sah-a hiche lai khanga vannoija miching pen ho ahin manchah-a Pathen loupina chu kilang doh-a chua mihon ahintahsan'u ahi. Hiche jan chun Ahsia chu soda takenlang hile Ahsia lekhathem ho chu iti chih jongleu hoija amudoh jou diu ham

Hiche banghin tukum Christmas ahunghun ding toh lhona hi sopi nangle keijin jong hiche Bethlehem Ahsia chu solam michinghon amuva Jesu henga apuilut jeng banguva hi eima cheh jong hiche ahsia tamtah lah-a hi ivah hat tah uchu mihon ahinmu uva leiset nopsahna lampi. ahin nungsun uva Jesu Christa kimuna aaneidiu hi idoipen chu hilou ding ham?? Ahiloule Herod banga lungthimse gel puma Christmas hi iman diu ham?? Tulai houbung mi atamjo angaidolla tahsalama golnop...

nah'uvem apatep nom jeh'a chuti'a chu um ahi. Ichunga hunghung vangsetna, boina, hahsatna hohi tahsan patepna ana hinomjin ahi.

**Nina'a**, Jesu chu lungmong tah'in kong mei lama a'imun ahi. Itidana chubang huise gose lah'a chu Jesu chu lungmongtah'a imu thei ham? 100% mihem ahijeh'a nilhum keija anatoh/athuhil jeh'a achol vetsahna jong ahinan, hinlah Pathen atahsan jeh, Pathen chu ima jouse chunga thanei ahin, aman ijakai a control ahito lhona achunga thilse/hamsetna ahinlhun sah louting, chule ajotna mun alhun teiding chu atahsan jeh'a lungmonga kichol ahi. Seijunten jong hitobang tahsanna chu neileu chubanga tija lou dingu ahi.

**Thumna'a**, Ichunga lhung hamsetna jouse hi Jonah chunga thil lhung banga (Jonah 1:1-4) Pathen thu nunlou jeh leh Jesu to umkhom loujeh ahiji poi. Seijuete chu Jesu thu anun uva Jesu toh aumkhom jeng vangun achunguva chutobang boina chu alhungin ahi. Pathen thu inunuva, Jesu to khilha kang louva i'um lai jenguva jong ichung/insung chunga boina alhun teitei leh jepna hilouva, akhatna'a iseibanguva patepna joh hiji ahi. Job chunga thil lhung jouse chu chonset jeh'a jepna hilouva tahsan patepna hijo ahi ti iheuve (Job. 1-2). Patepna (test/exam) kiti hi dinmun kalsang (promotion) nading hijo ahi. Job'in patepna chu ajo jeh'a achaina'a ichana kiledoh ham chu ihesoh kei juve (Job. 42:10-17).

**3. Kathi gam dingu ahitai (V.38b).** Chutobang dinmun achuh phatnu chu seijuete chu tijat mainan atija tapouvin, athigam dinga kigelu ahitai. Phatseh'a...

...chu hatna hitam ti mudoh thei ahi. huise gose lah'a ngaman jingho tijatna leuva huipi nunchun ichana khopihui Itobangin khopi hui nunghen akongu chu lhumlha ding kigo jongle seijui te chu chubangse'a tija lou ding dollu ahi. Chubanga chu eihojong agal langkhat jonna ikalson laijuva hin itobang eisuboi theiju khopi hui le go nungjong le iti jat lou ding dollu ahi. Ajeh chu:

**Akhatna'a**, Jesun agal langkhat ikai dingu ahi ti'a athutepsa ahi. Pathen thutep chu thon ngailou ahin, aman aseisa khat chu amolso teitei ahi (Isai. 46:11; 55:10-11). Jesun agal langkhat ikai dingu ahi ti chu athutep ahin, hinlah baitah'a lhung diu ham ahilouleh hahsa tah'a lhungdui ham vang aseipoi. Tunin jong ilunga ikigel lhah naochu Pathen lungdei ahiphot leh agal langkhat ikai teitei dingu ahi ti chu Pathen'in eitep pehnao ahi. Hinlah bailam tah'a ikai diu ham hahsatna tincheng thoh puma ikai diuham vang ihepouye.

**Anina'a**, Seijuho chu Jesu Christa amatah toh umkhom ahiuvin imacha akichatnu ngailou ahi. Ajehchu Jesu toh phat sottah hung kivop ahitaovin, ichana thanei thilbolthei ahi chu athil kidang bol tampi'a kona ana musao ahitai. Itobang toh jongleu Jesu to ka'umkhom naove tia lungmong ding dol ahive. Nangma jong Jesu toh kum ichan nahung kiloikhom hitam? Jesun nachunga/na'insunga thil loupi le thil kidang ijat abol hitam? Hichangei nahin puilhungpa, kitah tah'a nachingpa Ebednezer Pathen toh na'um khom poule lunglha hih'in. Satan'in nachunga tha neijou ponte....

## AGAL LANGKHATNA KAIJU HITE (Mark 4:35-40)

Pr. Paominlen Kipgen, K.Geljang Area Pastor

Amasan TBA thuphon sim jouse Kumthah (2018) Chibai kahin bollun ahi. Ahunglhung ding Kumthah hin ichangval, i'insung, ikho, ihoubung sung, igam sunguva athahbeh'in kipana, lolhinna, lungmonna le phattheina chamkim eihin lhutpeh taohen.

### Introduction bollouvin i'Bible changuva lutpai jeng leuen:

**1. Agal langkhat kaiju hite (v.35).** Jesun Galilee dillen gal langkhatna nilhumin thu ahillin (4:1-34), seidingle tohdiu jouse achai phatchun aseijuuite toh luigal langkhat Garesene gama lhankhuhlah'a cheng thilhavop teni chu gasuhdam dinga agal langkai kaiding asom ahi. (Galilee dillen, Teberia dillen ti'a jong kihe hi adung mile 13 le avai mile 8 ahi.)

Malama ding imacha ngaitolou, doi le tup beiya hin kiti hi ganhing hinna hing kihi ahi. Eiho jong gal langkhatna tohding tampin eingah'ui. 2017 hi chemang ding koncha ahitan, kumlunga tohding, bolding, gelding, ngaito ding jouse jong kijou phot chu ahitai. Mihem hi doi le tup (plan, purpose, vision) beiya kihing theilou ahi, kumthah ahunghi dingto lhona athah beh'a tahsa lam hile lhagao lam hile lunggel thah, lungtup thah, tohgon thah, mission thah, kigel lhahna (resolution) thah etc. kinei teiji ahi. Lampi thah jodding, gamthah lut ding, natoh thah tohding: kisemthah ding, insung semphat ding, houbung athahbeh'a suh halding, khochen vengchen semthah ding, lekha simthah ding ahiloule athah beh'a kihabol ding, jinei ding, ju le sa'a lop tah louding, houin phate kai tah ding, hopsom maicham phate peh tah ding, Bible sim le taona man lhahsam tah louding... le adang dang tampi hi ikigel lhah naochu ahiding tahsan ahi....

Ajeh chu "luigal langkhat chu kaigo" ihitaove.

**2. Khopi hui ahung nunge (vv.36-38a).** Hinlah mihemhin decision thah ilah'a, athahbeh'a kisemthah ding igotna, kal ison pat teng keipi bangkitum letlut jeng agiloupa hi kipah louhel ahi, iti le kaval Ihum theidem, kasuse dem, alungtup kalosam sahdem, kasuchavai dem ti'a kipei jengji ahi. Hitobang hi eiho sehseh'in itou ahipoi. Jesu le aseijuuten jong luigal langkhat kai dinga twipi chunga lam ajot laijuva anatou ahi. Thilpha bol ding, natohpaa tongding, lhagao mangthai huhdoh dinga lung ageluva konga akitol laiju hin khopi hui nasatah ahung nungin, akholjin banu suhtanga, ajot nao mun chu lhunlel sah tei ding agon ahi.

Nangma jong agal langkhat kai dinga nakigel lha'a nachelai hin boina, bolsetna, hahsatna, gentheina, lunghah nathei tami (huise le gose) nato ding ahi. Hitobang chu natoteng nakingah'a nakipehdoh (surrender) jeng ding ham? Satan nakijo sah jeng ding ham? Satan kipah val lou ding ham? Ajeh chu hichu ama lungtup hija ahi. Itile agal langkhat ikai thei dingu ham?

### Hilaija kom kimudoh thil thum veleuhen:

**Khatna'a,** Khopi hui hungnun ding chu Jesun ahet masat lou ham? Ahipoi. Ama imajouse hesoh Pathen ahi. Hinlah Jesun aseijuuite tahsanna chu apatep nom ahi. Nilhuma tahsan thu ahil ahi, hiche athujah hou chu natoh'a apohdoh jou ...

...bolna, totnopna chule tahsa ngaichah suhbulhitna a hinkho mangho ithanop piu vem? Ithnop piuva ahile hitobang chu pailhau hitin, ivah uchu Bethlehem Ahsa bangin miho muthei dingin vahdoh sah-u hitin Pakai koma puilutnu hitin Solam michingho bangin a lungthimu leh anei agouvu Pakai kin bolnan manchah sahteiju hite tin temna ikineijun ahi. Pathenin lungnachim tah-a simma ngaito jouse ajat somthum, ajat somgup chule ajat jakhatnin phattheina petahen.

## CHRISTMAS CHIBAI

### JESU CHRISTA MIHEMA AHUNG PEN LONA JEH (*Purpose of Jesus Christ Incarnation*)

---- Pastor Paominlen Kipgen, K.Geljang Area Pastor

### Amasapenin TBA Thuphon simho jouse 2017 Christmas Salam kahin bollui.

Jesu Christian Pathen lima aumna, Pathen to kikottena aumna chu kolchah jeng ding ngaito louva, hung kisunema, soh lima hung kisema mihema ahung pen (Phil. 2:6,7) lona jeh hi tampi seidling um jongleh themcha gah ve khomu hite. Suhmil lou ding chu Christa hi leisetna hung peng lou hileh anojia cheng hi guilhung louding, eiho chonsetna i'um jing nalaidiu, ichan dingu chu thina hiding ahi.

**1. Pathen phongdoh ding (to reveal God).** "Koiman imati chanin Pathen amukhapoi; Pa oma beh jing Chapa changkhat chun aphondoh ahitai" (Jn. 1:18 cf. 14:7-11). Pathen hina hi thilsem/nature ho'a akilah'a (Ps. 19:1-6; Rom. 1:20), athilboltheina le anatohho thusimho'a kon mudoh thei ahivangin, koiman Pathen amukhapoi. Ajehchu Pathen hi mutheilou (1 Tim. 1:17; Heb. 11:27) hija ahi. Hiche mutheilou Pathen chu Jesu Christian ahung phondoh ahi. Ajeh chu Jesu Christa chu mutheilou Pathen lima uma ahi (Col. 1:15), aumje kibahpi ama lima um ahi (Heb. 1:3). Thusei hon amanchah'u thucheng 'exegesis' kiti khu hilai muna kimang thucheng phondoh (declared) 'akona hi kiladoh ahi, hichu hilchet, honlhah, komui (to interpret, to explain, to unfold, to lead the way) tina ahi. Jesu Christian Pathen chu eiho henga ahung phondoh'a, eihung hilchetnu ahi. Achapa Jesu Christa'a hetchetna'a kon tilou koiman Pathen ahechen theipoi. Koi hile Christa mu'a chun Pa chu amu ahitai (Jn. 14:9).

**2. David to kitepna Molso ding (to fulfil Davidic covenant).** Pathen chu David henga ana kitepmin, "Chule nahin nikoho ahunglhina, nangma napu napatetoh nalupkhom tangle, keiman nanunga nachilhah, nangma taijolla mong monga peng khat katundoh ding, Chule keiman alenggam chu atonsotna dinga kaphudet ding" (2 Sam. 7:8-16) tin ana seije. Hitolhon chun Gabriel vantil chun Mary jah'a achapa chu David laltouna'a touding ahi (Lk. 1:31-33) tin ana tep kitne. Jesu Christa chu David laltouna'a...

....toudinga thutep ahito lhonchun, David laltouna'a touding chu mutheilou Pathen hilouva, muthei mihema ahung pen ngaija ahi. Chuleh alenggam chu tonsotna phudet dinga thutep ahikit jal chun, tonsotna laltouna'a touding chu mihem maimai chula hithei louding, Pathen ahi ngaikit ahin; Hijeh'a chu Pathen chu mihem ahungso ngai, ahi'a lah atonsot Pathen hina amansah lou ngaikit ahi. Hijeh'a chu Pathen chu God-man/Pathen-mi (100% Pathen, 100% mihem) ahungso'a David to kitepna molso'a aumna dinga Jesu Christa chu leija hung penga ahi.

### **3. Pathen to mihem kah'a palai ding (mediator between God and man).**

"*Pathen khat sehbou ahin, chule Pathen le mihem kah-a palai jong khatsehbou ahi; ama chu mihem, Christa Jesu chu ahi*" (1 Tim. 2:5).

Palai kiti thucheng hi mi ni ahiloule group ni kah'a kihet them louna/boina aumteng hung kikum lutna, akah lah'u sucham/sulhama pangpa seina'a kimang ahi. Chonsetna'in Pathen le mihem kikah'a kiguijopna jouse asuh tanna, Pathen le mihem kah'a kidouna asodoh ahitai. Pathen chu atumbeh'a Isreal te henga akilah'a, themgaoho mangcha'a thutep le thupeh tampi anapeh vanga; alhangpi'a mijouse chun Pathen lungdei chu hetjong ahetlou, juijong ajui louvu ahitai. Hitobanga Pathen le mihem kah'a kihet themlouna chu asulham le asucham ding aumtahlou jeh'a Jesu Christa chu Palai khatseh'a hungpanga, Pathen le mihem kikah'a chamna ahung sem ahi (Heb. 9:15).

### **4. Mihemte vetjui (example) dinga.**

"...ijeh inem itile Christian jong eih dinga hesoh genthei athoh ahin, nangho akhonung jui nahina dinguva, hichu vettok-a jui ding aki ja adalhah ahi" (1 Pet. 2:15).

Christa chu eih bang banga mihema hung penga, eih bang bang le eih sanga gentheijo'a hungseilena, eih bang lhepna ato, eih toh jouse atoh sohkei, eih jouse thoh sanga sangjo athoh'a, aumchan chu vetjuija inei dinguva eidalhah peh'u ahi. Hijeh'a chu John'in "*Keima ama'a um kahi ti'a chu ama chon bang banga ama jong chonding dol ahi*" ti'a asei ahi (1 Jn. 2:6).

### **5. Khoto themtah Thempu chungnung hiding (to become a sympathetic High priest).**

"*Ajeh chu ihatmonau eihetpia eithohpi phah lou thempu chungnung neija ihipouve, eibanga imalam jousea lhepnale patepna tohkha-a thohkha-a, ahi jenga jong chonsetna nei louheljoh ineiju ahi*" (Heb. 4:14-16).

Pathen chu lhepna le patepna thoh khalou ahijeh'a leiset chunga mihemte dinmun hahsatdan hi ahet themlou ding ahin, ahet themna dinga mihema ahung pen ngai ahi. Hijeh'a chu Christa leisetna hungpenga, eih bang gentheina, lhepna tintang ahungto'a, ahahsatdan aboncha ahung muchet soh keija; amatah thempu le ganlhaina'a hung kitoh'a ahi. Chuti ahijeh'a chu tugeijahi eihet themuva, ihatmonaova aheng inaiju le panpi dinga kimansa'a umjing ahin (Heb. 2:18; 4:16) chuleh eih dinga khotona neitah'a Pa henga tao jing jenga ahi (Heb. 7:25; Rom. 8:34).....

**2.Nungah Theng Sunga Peng (Virgin Birth)**  
Tuni chan a mihemte lah a kinel baotam na pen khat chu \_virgin birth\_ kiti hi ahi. Achunga iseima bang un mihem chihna le hetna khellam peh a van thil boltheina khat ahijeh a hiche jonghi \_mythical story\_ dan a min agel kit u ahitai. Ipi hileh akidang ahina thupipen chu, mi masa teni tailou a tuni chan a mihem koima cha pasal thisan jaolou a peng

mihem koima um khalou chule umjong umkit louhel ding ahitai. \_Virgin birth\_ chungchang thilsoh hi Jesu chu apatna leh achaina ahitai. Hijeh a chu tahsan chate dinga akidang pen ahikit tai.

### **3.Vantil \_Seraphim\_ ho Lasah (Angel of Choir)**

Jesu pen lopna vahchoila \_birthday song\_ chu vanlai jol a Seraphim hon kidang tah le ngeitah in ana sa uve tichu loujaova kelngoi chinghon ana phochen taovin ahi. Mi nelkal loihon hiche thilsoh hi \_metaphore\_ chule \_hallucination\_ dan in gel jong leh, kelngoi chinghon hiche thilsoh hi amaho tah in ajah uva chule amittah uva amu u ahidan Bible a kicheh tah in akimu thei in ahi. Tuni chan a Vantil hon \_birth day song\_ asah peh mihem koima umlou chule umjong umkit louhel ding ahitai. Hijeh a chu tahsan chate dinga akidang pen ahikit tan ahi.

### **4.Ahshi Melchih na (Discernment Through the Star)**

Vanlai jol a um \_celestial body\_ hon tuni chan in mihem pending thupi tah a \_witness\_ abol uva, apen na mun geija lamhil na anei peh koima aumpon chule umjong hung um louhel ding ahi. Hiche ahshi chu Bible a "A-Ahshi" \_His star\_ tin akisejin ahi. Hiche A-ahshi chun solam miching ho chu ahin pui a, apenna mun geija ahin puilut a, chule Jesu penna mun aphah phat a kinga den ahi tichu Bible a dinga hiche jonghi akidang pen chu ahikit tai. "A-Ahshi" \_His star\_ tin akisejin ahi. Hiche A-ahshi chun solam miching ho chu ahin pui a, apenna mun geija ahin puilut

a, chule Jesu penna mun aphah phat a kinga den ahi tichu Bible a akimu in ahi.

Hijeh a chu tahsan chate dinga hiche jonghi akidang pen chu ahikit tai.

### **5.Solam Michinghon Ahungvil (Magis' Visitation)**

Jesu ahung pen thudol ajah jah u chun hiche solam michingte chun goulu thil kengin ahung vil un ahi. Hiche solam miching hohi Judah mi hilou hel ahiuvin, ahileh Judah te toh ipi akisamkai na um a, Solam gam a kon a chu hiche Judahte lengpa pen chu ahung vil khoh2 u ham? Hiche thilsoh hettoh sah dinga solam michingte hung kholjin hi athuguh hoitah a isut leh, adeh a tahsan chate dinga thil kidang mong2 khat ahina photchetna lenpen khat jong ahi.

### **Thuchai:**

Hiche achunga kahin sei point ho tailou a jong tampi seibe thei aum nalai in hijong leh athupi pen a kagel chuleh \_miracle of the miracles\_ tia kagel ho chu chomcha cha a kahin tahlang mai2 ahi. Tulai in mi tampin ipi dinga \*Christmas\* hi "akidang" tia kihe a chule ichan geija tahsan chate dinga thupi hitam tih ihet chetlou jeh un aloupi na imudoh jou tapouvin, aloupina imu doh joulou tah jeh un imang dih thei tapouvin ahi. Hijeh chun tukum Jesu pen iman naova achunga \_miracle point\_ ho geldoh pum in Pathen loupina leh thilbol theina chu ami changcheh a kimu doh dingin kigo pan taote.

....nampon adang dang, Pasal honjong saipikhup ahilouleh jatpon adang dang ichung'a kaisah'a

Pathen houding ahi.

7. Mizo holeh Hmar hon Gosem, Dahpi, Dahbu, Dahcha, Selki achup uva Pathen vahchoila asahgamu ahitai.

8. Christmas leh New year sunga hi Houbung sunga ateh ho jouse puikhom'a kipa thilpeh peh'a chuleh phathei kibohsah ding, chuleh Houbung mipin taona amanpeh dinga phatah ahi.

9. Christmas leh New year hi function (program) maimaija igelleh aga (Fruit) umlouding ahi. program akichaileh imajouse kichaiding tina ahi, hijeh achi Pathen thu'a kisem phatna, pentah na halna, kipana'a iman Pathen thu'a kisem phatna, pentah'na, halna, kipana a imandiu ahi. Mi tamtah in revival program crusade leh fasting prayer nikho'a abolgam ahitai.

10. Christmas hi Pathen in nangle keidinga achapa Jesu Christa manbeija eipeh'u nikho ahi. ahileh nangle keijin Pathen adinga ipi ipehding ham ? Pathen in nalung thim pumpi, na thaneina pumpi, nahatna pumpi, nalhagao pumpin neihouvin tia angeh ahi. (MK 12:30)

**Achainan :** Sil le chen, ahilouleh sumle pai lhahsam jeh in lungkham hih in, Jesu jong sagoh keuva hungpeng ahibouve. Hiti hochu Pathen in iman agelpoi. Pathen in lungtheng sel'a ama houchu bou akipapi ahi. (I sam 16:7)

Koitobang alhasam, alengvai, agenthei, panpi ngaicha, tilkhau ngaicha, loi le gol neilou, sum le pai neilou, jum le ja pum'a hinkho mang, apengthah lou, kipana leh kinepna bu, puldou hinkho mang, mikhat mini nahet le donlouvin koihih beh in, amaho kom'a nache'a naphat leh nanei, nagou naga peh le Christmas dihtah mangchu nahiding ahi.

Pathenin itlouhella achapa bon eipeh uleh eihon Pathen'a dinga ipi i-it diuhum ?

**“ Dihtah a Christmas mang hitau hite”**

## JESU PEN ALAMDAH NA CHULE AKIDANG AHINA

▲ Leiset chunghi Pathen in ahin semchai tila kipat in thilsoh kidang dang asoh jingin, tuni chan in mihem chih na leh hetna in amudoh joulou van loupina thil kidang tampi asoh jing nalai in ahi. Hijeh a chu hoitah a hiti hohi igel chet2 le leiset hi leiset mai2 hilou in \_miracle world\_ tia jong seithei in aum in ahi.

Hiche toh kilhon in, thilsoh ho lah a thilsoh lamdang pen chule thilsoh kidang pen a kihe chu Jesu pen \_Christmas\_ hi ahi. Hijeh a chu \_Wonderful Christmas\_ tia kisei ji ahi. Ipijeh a hiche Jesu pen hi thilsoh ho lah a lamdang or akidang pen tia kihe ham? Point tampi seithei um jong leh kei mudan point phabep kahin tahlang nom e.

--- *Thangboi Sitlhau M.Th*

1. Pathen Mihem Lim Hung Kisoh (Incarnation)

\_Incarnation\_ kiti hi Hindute doctrine thupi pen khat hijong leh Jesu Christa amatah in vannoi huhhing theina dinga ahung suh bulhit ahitai. Pathen mihem ahung kiso a mihem lim a ahung pen kiti hi \_miracle of the miracles\_ akidang pen ahitan ahi. Akidan behset jeh chun mihem ten hiche thuguh chu amudoh joupon hijeh chun mi tampin Jesu pen hi \_superstition\_ dan in agel taovin ahi. Ipi hileh tahsan chate dinga Christmas akidang ahina chu hiche Pathen mihem ahung kiso chu ahi.

6. **Thutan dihtah ahitheina ding (to become a just/righteous judge).** “*Pa chun mi koima thu atanpoi, thutan ding jouse Chapa apehdoh ahitai* (Jn. 5:21,27). Tasanna lhangpi chu mihem jouse hi khatvei le Pathen thutanna anga ding teitei ding ahi. Hinlah hiche nikho chuleh thutan ding chu Pa Pathen hilouva Jesu Christa joh hiding ahi. Ajeh chu Pathen'in thaneina jouse ama khutna apehdoh ahitai. Jesu Christan thu ahin tan nikho leh amatah mihem hungpensa, mihem thoh jouse athoh sohkeisa, mihem hinkhoman dan jouse jong aheththem sohkeisa ahitah jeh'a koiman a'anga adinteng kilepna (excuse) anei theilou ding ahitai. Amachun eiho bang le eiho sangha sangjo'a patepna le lhepna athoh'a ajo sohkei jeh'a chu, “Pakai leiset chungchang, lhepna ahatdan, kitim ahahdan... nahetlou ahi” ti'a koima themmo achan theilou ding ahitai. Jesun thudihtah le chonphatah'a thu atan nile a'angsunga koima kilepjou louding ahi jehchun hinkho man chingtheijute.

NGULHAO THEOLOGICAL SEMINARY (NTS)  
ADMISSION OPEN FOR NEW ACADEMIC SESSION – 2018

Ahunglung ding 3<sup>rd</sup> February 2018 le NTS Spring Semester kipan kit ding ahitah toh Ihonin koi hileh Christa a pentahna dihtah neija chule Pathen leh amite lah-a natong nomhon 20<sup>th</sup> January 2018 masanga noiya kipe course ho hi sutdohsa admission application form office mun ahiloule [www.ntsmotbung.org](http://www.ntsmotbung.org) a muthei ahi tai.

## PROGRAMMES

Courses	Duration	Eligibility
1 Graduate of Theology (G.Th) in Thadou	2 years	Class VIII Passed
2 Bachelor of Ministry (B.Min) in Thadou	3 years	Class X Passed & Graduate of Theology
3 Bachelor of Theology (B.Th) in English	3 years	Class XII & 4 years for Class X Passed

For detail information:

S/d  
Principal  
Ph. 8416056824

PAKAI SOHOU KAHU KACHUNGA NASEIBANG CHUN LHUNGHEU (*Luke 1:38*)

Christmas thupi lah a dalhah thei lou leh suhmilthei hilou Mariam thusima kihil nathei ho hi vetylou thei ahipon ahinna Pakai jadia ahung kipeh dohtheija kona chamna lengpa pen thu kiseiji ahin athu ijah jingsao hijong leh avel in ana vekit ute.

**Introduction :** Eden a chonset na chun mijouse ahop thatan miten chonset na thenna din gan thisan ana mang uvin ahivang in chonsetna ana theng theipon hijeh chun Pathen thutep suh bulhit nading in, Gen, 3:15 a numei chilhah a Amapa chun Gul chu alu avohchip a Gul chun Amapa khotaljum avohchip ding ahi ti thutep ana umsa ahijeh chun Pathen in numei ma mangcha in Vannoja huhhingpu Jesu Christa hungpen nading in ahin mangcha'n chuleh Isaiah themgao kamma ana seisa "Nungah khat gaijin tin chapa khat ahin ding ahi" tia ana kiseisa chu guilhun nadingin Pathen chun nungah khat ahin mangcha tan ahi. Hiche a mudoh thei leh het dinga pha khat chu Pathen in mihem ma amangcha jin ahi ti mudoh ahi. Pathen in athilgon khat leh aseisa khat atoh ding phat chun Gabriel Vantil chu Galilee gama khopi khat Nazareth achun asolin nungah mi jiholsa (Matt.1:18) Mariam manchah din agasei sah in (Luke 1:28) ahi. Mariam in tepna thu ajah chun amadinga thil kichat ding, jachat nading leh thi nathei ding lampi umah ahin hijeh chun ama jong amoh nop jengthei pon Vantil Gabriel in asei chet phat'a bou alung ahin gela hung kipehdoh thei ahi. Mariam kipehdoh jal chun tunia vannoija kipana hunghung ahin amatah dinga jong kipana len pen ahitan ahi. Mariam ahung kipeh doh a ama dia hahsatna ana um ho aban neichan veu hite...

Pr. Jangneimang Kipgen, Twilang Area Pastor

**1. Mariam in leiset thilho sangin Pathen thu manding joh alheng joi.**

Nungah Mariam hi ji dinga cha adop a kithumsa kichen nading ni ngah a phat aman a athilken ding ho aboipi phat sung hitei jinte tulai golvah bolding hotoh itekah leh. Matt 1:18 "Jesu Christa pen umchan chu hiti ahi Anu Mariam Joseh in aji dinga ahol ahin, akigop masang lhon in amanu chu Lhagao Thenga konna agai aki hedoh tan ahi." ti imutaove. min ji dinga aholsa khat chu agaija ahileh Mose thupeh dungjuija chu amanu chu songa selih ding ahi Deut, 22:21. Ama a-insung mite dinga jong mai jum naleh jachatna thilbol ahijeh chun Isreal te lah a hitobang chonsetna chu aumding deilou najeh a hitia chu thichan geija gotna anapeh jiu ahi. Ahijeng vangin Mariam chun thina chan tohding hijong leh Pakai Vantil Gabriel thu chu juidin ahung kipedoh jeng tan ahi. Chuleh Mariam hin thina ato ding seh ahipon hinkho khat anei sunga ajipa ding jong achan be ding ahi nalai je. Nungah khat hija leisetna hinkho anopthei pena ajipa toh hinkho mankhoma inchen sem ding agel laitah'a Pathen deisah na achan jeng hin Pathen thua kimang chalou ho leiset thila ngol ho din amanu hi miching vang ahi hihbeh'e. Mariam in hichu kipah tah in asang jeng tan, leiset thil ho sang in Pathen thu manding joh ahin lhen jeng hin eimudoh sah'u thil tamtah aum e, Pathen atahsan na alen e, ijakai bolthei Pathen ahi ti ahechene, ijakai bolthei Pathen in ahinna ahuhdoh thei e ti ahechen in Athilsem hosangin asempa alhen...

CHRISTMAS ADINGA ATHUPI PEH IPI HAM ?

--- Mr. Paogoulen Sitlhou, Youth & Edn. Secy. TBA-I

Achanu	: Hepa Christmas von neichoh peh loijo.
Apa	: Kachoh peh thou thou dihe boi, ale ipidia Christmas iman jiu ham ?
Achanu	: Kol (Hindu) honjong festival jatjat, Durga puja, Dewali, amanji bang uva Christian tenjong Christmas imanjiu ahi hichula.
Apa	: Christmas nikho'a athupipen ipi ham le ?
Achanu atengle	: Houin langa sa nehkhom ding, Houin kaiding chule Lenkhom bolding, Lamkol lamding.
Apa	: Christmas adinga ipi pi nabol diham ?
Achanu	: Von kakichoh ding, Christmas tree kasemding, chuleh insung decoration kabol ding ahi.

Achunga pacha teni kihou nahi velechun, mi atamjo Christmas mandan namudoh ding ahi. kumseh le Christmas/New year imangun, hinlah atamjon leiset golnop danin igeltauvun adeh in khangthah (New generation) chapang hon Christmas athupi nale alulna, agimneina ahedoh jou tapouvin ahi.

Christmas a athupipen'a igel uchu chapangnu geltobang bep igeitaувin ahi. Von, Christmas tree, Welcome post, Decoration, program, entertainment (golnop/totna) lenkhom, lamkol, ann nehkhom, golseh etc. hohi ihagel thupi jotaувin ahileh Lhagao lam machalna aumtapon ahi. achunga kisei hohi bollouding ahidehpoi, hinlah athupipen ahipoi katinom ahi.

Giltah in gel lechun Christmas thusim (Pathen chapa Jesu Christan van ahin dalhah a leiset a michonsete huhdoh dinga ahung) hi totna thei ahipoi. Pathenin eingailutnao hi iti san'a sang hitam ? kipa jalla kaka jeng ato ahi. Pathenin achapa changkhat eipehdoh niu ahi. Hiche Pathen thilpeh, Pathen

mingailut nahi Christmas adinga athupipen ahi. thildang ho chu leiset mihem hina'a kibol ahibouve.

Tukum (Christmas 2017 leh kumthah 2018) hi TBA Houbung miten iti lampang'a imandiu hitam ?

1. Pathen thusei (Speaker's) jouse Pathen sumkon dihtah ahiuve, Lhagao halna theija thu aseidoh thei nadiuvu taanon kop uhite , chuleh thusei, lasa, conduct, pan lading jouse taanon killhan doh uhite.
2. Tot chatvai, adeh a Pathen thu le Pathen la'a tot, midang jachat nathei, lungnat natheija tot, thusei bolpoute.
3. Chapang neoho jong, (ipi ham Christmas) ti phatechan, Houin sung, insung le CED kaikhom na'a hil uhitin, hetsah uhite
4. Lenkhom bolpet'a kuva lhai, dumchep, moh vava tiho bol tapou hite, poncho tah in vahchoi la sahnau mangu hite.
5. Lamkol ibol ujungle Pathen min'a lam kahi ti geldoh pumin lamu hitin, elltolnan mang tapoute.
6. Pathen in eipeh u ijtavon, nampon ho kivon pum'a Pathen ihoudiu lamtah ahi. nungah hon khamtang, ahiloule .....

Immanuel ahungpeng ding pa qualification kipe khu hoitah a ivetleh Isaiah chapa hihen Hezekiah hijongleh Immanuel title chang jouding alom anahi lhonpon ahi. Hiche 734 BCE laija thutep chu kumsot tah ahungche jou nung in 1st Century CE lajin Nazareth khopi Bethlehem a ahung guilhun dan Matthew in hoitah in anahilchen tan ahi.

*Now all this was done, that it might be fulfilled which was spoken of the Lord by the prophet, saying, Behold, a virgin shall be with child, and shall bring forth a son, and they shall call his name Emmanuel, which being interpreted is, God with us. Matthew 1:23, 24.*

Hitichun Jesu Christa hungpen chu Isaiah Themgao pa melchihna thutep guilhunna ahidan Matthew in anahilchen tan ahi.

3. Immaunel in OT and NT Perspective: OT (Thulhunlui) phat laichun Isarael ten Pathen chu mujong amukhah lou u, a aw jong ajah khahlou u ahi. Pathen deilhen chang Thempu, Themgao hobou chu Pathen in ana kihoulim pi ji a, amel akimusah louvanga vantilho chule meikong kitih mangcha a ana kihoulim piji ahi. Hiche phatlai a chu milham koi tobang Pathen melmu a chule a awgin jakha aum jongleh apet pet a thi heljeng dinga Israel ten anatahsan u ahi. Hijeh chun thulhun luikhing in Pathen in amitechu mu theilou, het joulou in anaumpi in ahi. Hinlah NT (thulhun thah) khang ahunghi phat in, hiche ...

muthei lou leh hetjou hoi hilou, alim mu leh a awso jah mai2 a jong mihem thihel jengthei Pathen chu, leiset mihem in ahung pengtan, amite lah a tahnatah in vai ahom tan, ana asa aboldam in, athi jonga kaithou in, hiti chun tahnatah in aumpi tan ahi. Hichechu IMMANUEL Pathen in eiumpiue kiti guilhun nachu ahung hitan ahi. Hinlah Judah techun lunggel dihloujeh in hiche Pathen mi umpi nachu anakihetdoh joupouvin, ana kimudoh joutapou vin ahi.

**Thuchaina:** Hiche 1st Century CE laija Pathen in tahnatah'a Chapa lim'a amite ana umpi chu, Pathen chu mihemte lah'a tonsot'a tahsa a chengden thei ahitah loujeh'in, Ama kheldingin Lhagaotheng chun tuneiho jouse eiumpi taovin ahi. Tuni a Lhagaotheng kaihoinalah umpina chang jouse chunga chu Immanuel chu gui lhungjing ahitai. Hijeh chun tukum Pakai pen ilopnaova Immanuel dihtah ihet uva ichancheh thei nadiuvin Lhagao theng Pathen chun eiumpi jingtao hen.

..hi aloupi nalom lome. Mariam in leiset thil amangthah thei lhen sanga Pathen thu a umding ahin lhen jeh in mijouse din kipana ahitan ahi. Nang injong tunihin gel tem in Leiset thil haosatna, nopsah na, loupina, eima deilama kimanchah na dalhah a Pathen thu a kimanchah ding nalhen lounding ham ? Huhing pa Jesu elungsunga ahung pen nadin leiset thil ngailut na dalhah angai e.

## 2. Mariam in Gabriel thu ajah a akiphal theng theina jeh ho;

Mariam in Gabriel thu ajah chun amadin kichat umtah ahin itih ajong ana mukhah lou leh ajah khah lou ahijeh chun lungdon umleh mihem dinga thil hithei lou khat ahijeh chun amanu din hahsa lheh jongleh Gabriel Vantil in asei chetpeh phat chun amanu chu kiphal theng thei ahin aban chan veu hite.

A) Luke 1:32, naosen ama oisunga pat hungpeng ding chu Chungnung pen chapa kiti ding ahi. Mariam in ama mi ima hilou hetna chihna themna neilou sunga naosen peng ding chu chungnung pen chapa ahiding ahet chen jeh chun Pathen adia kiphal theng ahi.

B) Luke 1:32b naosen peng ding chu Pathen in David lal touna apeh ding, hi ahi aman ama sunga hungpeng ding chu Israel te dinga minthang ma ma lengpa lal touna touding ahi chu ajah phat chun Mariam chu kiphal theng ahi.

C) Luke 1:33 Jacob son ho chunga leng changa vaipoding ahi. Mariam dinga kipa umtah thu ahi, ajeh chu ama chapa chu Israel te chunga leng vaipo'a pangthei ding ahi chu ama dia

kipa umtah thu ahi. Minu mipa tamtah in jong acha chu miching hiding haosa ding mi thupitah hiding deilou umlou ahin Mariam dinga iti kipa umda ding ham.

D) Luke 1:33b aleng gam kichaitih umlou ding ahi. Israel lengten aleng vaihom sung hou chu kum somli hohi asaopen ana hiji ahin Mariam chapa ding chu aleng gam kichaitih umlou ding ti ahi.

Achunga kitah lang hohi ivet a ahileh Mariam Pakaija din akiphal thenglou theipoi. Hiche ho hi ama chandia lomlou Pathen in ama ahin peh jeng ahi. Hiche ho jehin Mariam chun Pakai sohnu kahi nasei bang chun kachunga lhung hen tin Gabriel Vantil chu adonbut tan ahi.

## 3. Mariam Gabriel masanga anopna aphondoh phat chun Pathen mi huhingna chu akipan tai.

Israel nungah jinei masanga naovop chu songa selih ding ahi Deut.22:21, ahivang in Matt. 1:24 a imuve Pathen in Vantil chu asol kitnin Joseph manga aga kimusah in Mariam chu lungthoi lou hela akichen pidin asol tan hibang chun Joseph in jong aga kipuijin jin anei tan hibang chun Mariam in tasa in huhingna ana changtan ahi.

## 4. Mariam in leiset thil jouse sanga Pathen thu a kimanchah ding alhen vang in leiset thiljong chan anei poi.

Ajipa ding jong achan pon thina atoh ding mun in jong Pathen in ahuhhung tan...

Pathen chu loupi jing hen. Mariam in achunga thil umdol jouse ahetchet phatnin hitin ahin seitai, "kalungin Pakai achoian-e, ka lhagao jong eihuhhinga Pathenah akipah behseh jengin ahi. Ijeh-inem itile Aman asohnu lhah chom chagat aven ahi; hijeh chun vetan, tua lhah Akhang akhang mi jousen Anun nom eiti dingu ahi." Luke 1:47-48. Pathen thilbol theina mukhahon Pathen athangvah un Pathen loupina mukhalou hon Pathen phatna leh loupina aphongdoh theipoi.

### Thuchaina.

Huhhingpu Jesu Christa hungpen lomdingin mitamtah kigong unte, ahivanga chamna leh lungmon na changlou mitamtah umding ahi. Mariam in Pakai sohnu kahi nasei bang chun kachunga lhung hen atia akiphal theng banga kiphal theng hodinga lungsunga chamna leh lungmonna chang ding ahi. Chaan ding leh dalhah ding nomlou dinga chu Pathen in ima ei bolpeh theilou ding ahi. Mariam in chaan ding achan ngam e, thina thei hijeng jongleh Pakaija din aki phalthengin hijeh chun amatah jeng jong alung sung pumpia kipana achang in chuleh huhhingna jong achang e, amading seh ahipon nang leh kei chuleh vannoja mijouse din kipana thu jong ahitan ahi.

### Pathen lhagao puihoina pum in Tukum Christmas mangcheh uhite.

13

" Lhagao Hinkho huhdoh dingin kihabol cheh ute. " Proverbs 24:11

## IMMANUEL

----- Thangboi Sitlhous M.Th

### Thupatna:

Hiche Immanuel kiti thucheng hi Hebrew pao ahin abailam pen a chun Pathen in ei um piuve tin akiledoh in ahi. Hiche thucheng hi Isaiah Themgao pan Judah Lengpa Ahaz kom a, khonunga melchihna hung kipeding, Pathen in aumpijing nam mite ahi photchetna dinga ahin manpat thucheng ahi. Hijeh chun hiche a thutep hi iti hung kipat'a chule itihlai'a ana guilhung ham ti chomcha vetkhomna neiju hite.

### 1. Historical Background:

734 BCE hi Assyria te Super Power choilai phat anahin, chule hiche phatlai chun \_Syro Ephraimite War kiti gal nasatah khat ana um in ahi. Hiche gal chu Assyria te Super Power douna a gal anakisat chu ahi. Assyria te power doudal na dingin Israel lenggam leh Syria lenggam chun Anti Assyrian Alliance tin ahungkigom khomilhon tan ahi. Hiche kigop khomna joint force'a pang dingin Israel lengpa Pekah leh Syria lengpa Rezin chun Judah lengpa Ahaz chu ahung tem lhontan ahi. Hinlah Judah lengpa Ahaz chun hiche Israel leh Syria kigop khomna'a jaova Super Power Assyria te douding chu anom tapon ahi. Hijehchun Pekah leh Rezin chu alunghang lhon tan, Ahaz vaihomna Judah lenggam douna a gal ahin bol khum lhon ding chu anaphongdoh lhontan ahi. Ahaz lengpan hiche thu ajah phat in akisong joutapon, panpina angaicha tan ahi. Hijehchun Isaiah Themgao pan Ahaz kom a Pathen a kon a melchihna kithum dingin asoltan ahi. Hinlah Ahaz chun Pathen sang in Super Power Assyria te lengpa kom a joh panpina athumjo tan ahi. Hijeh a chu hiche dinmun laitah a chu IMMANUEL kiti melchihna thudol thucheng chu hung potdoh lo ahi.

Therefore the Lord himself shall give you a sign; Behold, a virgin shall conceive, and bear a son, and shall call his name Immanuel. Isaiah 7: 14.

### 2. Immanuel Guilhunna:

Hichelaija Immanuel kiti hi Jadah ten Isaiah themgao pa chapa kiseina ahi tiloi aumuvin, chule Ahaz lengpa chapa Hezekiah lengpa kiseina ahi tiloi jong aum kit un ahi. Hinlah hiche

14

" Lhagao Hinkho huhdoh dingin kihabol cheh ute. " Proverbs 24:11